

## ԼԵՌՆԵՐ ՀԱՅՐԵՆԻ

*Խօսք՝ Վ. Արամունի*

*Երաժշտ.՝ Ա. Միրանգուլեան*

Ա՛խ, ինչքա՛ն, ինչքա՛ն կարօտել եմ ձեզ,  
Միգապանձ լեռներ հայոց աշխարհի,  
Վազել եմ, հոգնել ձեր լանջերում ես,  
Իմ լեռնե՛ր, լեռնե՛ր, լեռներ հայրենի:

Ձեր գագաթներից ամպերն են սահել,  
Ինչպէս ձորն իջնող հոտը գառների,  
Կ՛ուզէի հիմա ձեր գրկում լինել,  
Ձեզ փարուել նորից, լեռներ հայրենի:

Զմրուխտեա՛յ լեռներ, սիրտս ձեզ թողի  
Ու ինձ հետ տարա բոյրը վարդերի,  
Իմ երակներում ուժն է մայր հողի,  
Իմ լեռնե՛ր, լեռնե՛ր, լեռներ հայրենի: